

左文襄公全集

左文襄公奏稿卷十四

起同治四年乙丑
閏五月訖七月

目錄

全閩肅清見飭越境追剿摺

請調援閩得力之軍回蘇聽候調派摺

侍逆李世賢伏誅片

補陳康國器一軍戰績請 旨獎卹片

攻毀雲霄廳岳坑匪巢餘逆淨盡摺

勦辦土匪情形片

清釐閩營欠餉暫停募補兵額摺

飭派水師沿海巡緝片

閩商彫敝應完正溢額課懇准改限帶完摺

瀝陳閩省嵯務積弊請試行票運摺

閩省商疲課紬懇減免積欠帶輸銀兩摺

分派師船巡緝閩浙洋面片

越境勦賊疊勝并擊退閩邊竄賊摺

勦辦興泉永漳等處土匪片

恭報蘇軍回滬日期并應否派員接署提篆摺

特參年力就衰之司道摺

懇將克復遂安援勦江山肅清衢郡出力各員仍照原請給

獎摺

勦賊獲勝見籌辦理情形摺

老湘營索餉爭鬧情形片

浙省庫款支絀懇免添撥協濟閩餉摺

勦賊獲勝見飭各軍分道進剿摺

請將救援不力之參將等革職拏問片

全閩肅清見飭越境追剿摺

同治四年閏五月初五日會福建巡撫徐宗幹并福州將軍英桂銜

奏爲官軍追剿獲勝全閩肅清見飭越境追剿恭摺馳奏仰祈

聖鑒事竊高連陞黃少春劉清亮等駐軍平和將漳浦雲霄竄賊悉數殲除後因永定警報踵至卽各率所部馳援比抵永定汪逆已經各軍擊敗向上杭中都竄走侍逆餘黨亦續由大姑灘逃逸高連陞黃少春等躡蹤緊追五月初十二等日出隊至大姑灘對岸該逆尙率眾渡河回撲經官軍排槍轟擊斃賊甚多賊敗走旋偵知賊之先至上杭西門外上墩鄉與武平之象洞者汪逆均調來中都仍圖回撲官軍適知府魏光邴所部及高連陞黃少春兩軍畱駐漳州四成隊馳至十五日黎明高連陞率各營進紮大

姑灘下黃少春各營進紮大姑灘上均於沿河密布營壘時悍賊數千將所紮木簿千餘架搬至河邊正圖搭架浮橋官軍突至槍礮齊發汪逆亦令隨身洋槍悍黨拌死抗拒官軍縱擊歷三時之久斃悍賊數百名帶傷者無算賊猶死拒不退高連陞黃少春各挑洋槍隊百名潛從大姑灘上下躡淺過河抄擊瞥見各山頭號火齊起知汪逆方嗾羣賊來援高連陞等麾洋槍隊及其未至遽前薄之轟斃頭旂悍賊一名羣賊驚駭乃棄馬翻山而遁河邊搭橋之賊與山頭來援之賊亦同時竄走官軍乘勢壓擊斃悍賊一百名生擒二十六名墜巖落水死者千計時劉清亮畱駐湖雷各營因丁太洋一股業已擊敗投誠後路無事亦率所部馳至會

商十七日卯刻分三路過河痛擊詎該逆敗後膽落卽夜奪路狂竄官軍追殺二十餘里斃賊無算生擒三十一名拔出難民數百餘逆悉竄武平署武平縣知縣八十四飛稟告急高連陞等急率四成隊赴之派馬隊先至偵知該逆尙踞中赤巖前一帶十九日疾馳百里至武平所二十日追至風車劣見賊千餘方屯聚山下各村追軍至立斃賊百餘名生擒七名各館之賊一齊驚走又追二十里始收隊回武平縣城二十一日黃少春高連陞劉清亮正分路進剿中赤之賊詎該逆經官軍疊次擊敗已向下壩逃竄官軍追及僅斬尾賊二百餘名生擒四十餘名拔出難民三百餘據獲賊供稱汪逆本嶗巖前之賊先竄鎮平因粵軍扼截折回下壩

見經官軍追擊仍向粵東邊界竄去高連陞黃少春劉清亮已率軍進駐下壩計各戰擒斬逆賊實不下三四千名拔出難民無算此各軍追剿獲勝閩境肅清之實在情形也竊維李世賢汪海洋等逆上年九月由江粵突竄閩疆連陷府廳州縣凡七人數實二十餘萬加以閩粵土匪從亂如歸首逆李世賢復以重利啖洋人購其槍礮句其助逆勢甚鴟張幸賴

聖謨廣運敕浙軍迅赴戎機資以浙餉復以地廣兵單敕蘇軍赴閩助剿數月之間得將各城次第克復全境一律肅清李世賢林正揚兩股擒斬殆盡丁太洋一股窘蹙投誠僅餘汪逆一股夥黨數萬偪聚江西閩粵三省交界之區勢孤力薄可冀就殲見因該

逆出沒閩粵之交爲各軍所扼不能竄越江西轉竄粵境直趨嘉應州臣等已飭康國器及關鎮邦所部粵勇五千餘人由峰市追剿冀與粵東嘉應官軍共收夾擊之效惟汪逆本謀在竄江西似不久畱粵境臣等已飭王開琳率所部老湘營由汀赴贛已報啟行其高連陞黃少春劉清亮三軍轉戰閩粵之交馳驅千里實形勞瘁應暫畱武平休息覘賊所向截之其劉典一軍俟整理就緒後亦卽由汀赴贛或徑赴南安截其由江西竄湖南之路期將此股殲除稍紓

慈廑斷不敢存畫疆自守之見亦不敢居越境剿賊之功所有此次各軍追剿竄賊疊獲全勝出力將弁兵勇及防守轉運出力員

并可否併由_臣等查明彙案請

旨獎敘之處出自

天恩謹合詞恭摺由驛馳奏伏乞

皇上聖鑒訓示施行再此摺係_臣宗棠主稿合併聲明謹 奏

軍機大臣奉

旨另有旨欽此

請調援閩得力之軍回蘇聽候調派摺

同治四年閏五月初五日

奏爲請調援閩得力之軍回蘇聽候調派恭摺馳陳仰祈

聖鑒事竊

臣

接署兩江督

臣

李鴻章鈔摺咨會飭前派援閩之提

督郭松林楊鼎勳兩軍由閩繞赴江西湖南邊界相機迎堵服其洞燭賊情謀慮深遠實非

臣

愚陋所及惟李鴻章入奏時尙未知

逆首李世賢丁太洋林正揚各股或降或散或剿除殆盡疑賊氛

尙熾故擬以此軍爲馳援數省之師茲查由閩竄粵之賊實祇汪

逆海洋夥黨數萬縱各股尙有漏出人數諒必無多

臣

已檄康國

器率所部及關鎮邦所部合計五千餘人由永定盧峰取道入粵翼以粵人援粵戰於其鄉士氣自倍可收夾擊之功又竊以汪逆

志在竄江官軍入粵祇是尾追益援粵之師恐徒速其竄江之勢
似不如何其竄入江西迎頭截擊較爲得之見飭王開琳率所部
入江西贛州高連陞黃少春劉清亮暫駐武平劉典將各軍整理
後卽馳赴汀州駐武平者將趨長甯安遠以固贛東駐汀州者將
由贛州趨南安以固贛西而兼爲固湘之計也如天之福三省合
力或可將此股就地殲除不致久稽

天討是蘇軍不入江西湖南於局勢尙似無損

臣

前聞直東軍務

喫緊未得其詳昨准李鴻章來咨始知曾國藩將赴山東李鴻章
暫署兩江督篆捻逆猖獗特甚時事方殷似兩省兵力宜厚而不
宜薄郭松林楊鼎勳所部多勇敢之士所習洋槍礮隊必非捻逆

所能當且淮北皖北之人實居大半用之北方服水土而少疾病
得力無疑

臣

愚以爲就天下大局而論直東爲重閩粵江西爲輕

就此時賊勢而論閩粵江西爲緩而直東較急是蘇省援閩之軍
仍應調回蘇州以備曾國藩李鴻章調度明矣至兩軍回蘇或應
由海道抵滬或取道江西水陸入皖

臣

已一面函商郭松林楊鼎

勳自行酌度

臣

當籌畫資遣理合恭摺馳奏伏乞

皇上聖鑒訓示施行謹 奏

軍機大臣奉

旨另有旨欽此

秦惠王五年

秦惠王五年秦惠王五年

秦惠王五年秦惠王五年

秦惠王五年秦惠王五年

秦惠王五年秦惠王五年

秦惠王五年秦惠王五年

秦惠王五年秦惠王五年

秦惠王五年秦惠王五年

侍逆李世賢伏誅片

同治四年閏五月初五日
會福建巡撫徐宗幹銜

再李逆世賢自平和帶傷後五月初二夜偕十數賊在永定過河淹斃業經前奏聲敍及之茲據各路軍營稟報訊之生擒賊目及各降人所供侍逆溺斃係五月初二夜事均無異詞而漳城逃出難民則言侍逆於初二夜同數賊棄馬逃走因不識路徑繞山奔竄天明仍在原處鄉民獲住搜出隨身金葉五十餘兩旋爲官軍揪去一時喧傳侍逆業已就擒又似侍逆未及過河已就擒者未據各軍稟及殊難憑信惟續獲汪海洋股內黨夥及逃出難民均供汪逆在上杭中都時久候侍逆不至一日傳集各賊目將奔投之僞王宗李逆等械繫稱侍逆已死於下洋而僞王宗救護不力

應卽議罪劉典前駐軍坎市時曾盤獲汪逆所遣賊探密覘侍逆
下落者是侍逆之已伏誅似無可疑惟溺死永定河中與獲斬於
下洋則尙難確指也臣等仍當畱心訪察以期核實謹附片陳明
伏乞

聖鑒謹 奏

軍機大臣奉

旨另有旨欽此

軍機大臣字寄同治四年閏五月二十六日奉

上諭左宗棠等奏官軍剿賊獲勝全閩肅清見飭越境追剿請調
援閩得力之軍回蘇及查李世賢下落各摺片覽奏均悉汪逆由
上杭中都敗走經高連陞等追至武平該逆由下壩先竄鎮平復
由粵東邊界竄去有直趨嘉應州之勢左宗棠已飭康國器及關
鎮邦所部粵勇五千入由峰市追剿此軍到粵必可得力著瑞麟
郭嵩燾督飭方耀等會同閩軍認真擊剿李福泰已移紮嘉應諒
已早有布置卽著飭令該藩司等三面兜擊以期一鼓殄除勿任
再有竄逸高連陞黃少春劉清亮等軍暫駐武平稍爲休息仍著
左宗棠飭令覘賊所向實力遏截以資得力汪逆本謀竄江未必